## 0.0.1 kalyāņamittasuttam

## **0.** sāvatthiyam

- 1. ekamantam nisinno kho rājā pasenadi kosalo bhagavantam etadavoca: idha mayham bhante rahogatassa paṭisallīnassa evam cetaso parivitakko udapādi: svākkhāto bhagavatā dhammo. so ca kho kalyāṇamittassa kalyāṇasahāyassa kalyāṇasampavaṅkassa no pāpamittassa no pāpasahāyassa no pāpasampavaṅkassāti.
- 2. evametam mahārāja, evametam mahārāja, svākkhāto mahārāja mayādhammo. so ca kho kalyāṇamittassa kalyāṇasahāyassa kalyāṇasampavaṅkassa. no pāpamittassa no pāpasahāyassa no pāpasampavaṅkassāti.
- 3. ekamidāham, mahārāja, samayam sakkesu viharāmi nāgarakam nāma sakyānam nigamo. atha kho mahārāja ānando bhikkhu yenāham tenupasankami. upasankamitvā mam abhivādetvā ekamantam nisīdi. ekamantam nisinno kho mahārāja ānando bhikkhu mam etadavoca: upaḍḍhamidam bhante brahmacariyassa yadidam kalyāṇamittatā kalyāṇasahāyatā kalyāṇasampavankatāti. evam vuttāham mahārāja ānandam bhikkhum etadavocam: mā hevam ānanda, mā hevam ānanda, sakalameva hidam ānanda brahmacariyam yadidam

bit page 162

kalyāṇamittatā kalyāṇasahāyatā kalyāṇasampavaṅkatā. kalyāṇamittassetaṃ ānanda bhikkhuno pāṭikaṅkhaṃ kalyāṇasahāyassa kalyāṇasampavaṅkassa ariyaṃ aṭṭhaṅgikaṃ maggaṃ bhāvessati¹ ariyaṃ aṭṭhaṅgikaṃ maggaṃ bahulīkarissatīti

kathañca ānanda bhikkhu kalyāṇamitto kalyāṇasahāyo kalyānasampavanko ariyam atthangikam maggam bhāveti<sup>2</sup> ariyam atthangikam maggam bahulīkaidhānanda bhikkhu sammāditthim bhāveti viroti? vekanissitam virāganissitam nirodhanissitam vossaggaparināmim. sammāsankappam bhāveti vivekanissitam virāganissitam nirodhanissitam vossaggaparināmim. sammāvācam bhāveti vivekanissitam virāganissitam nirodhanissitam vossaggaparināmim. sammākammantam bhāveti vivekanissitam virāganissitam nirodhanissitam vossaggapariņāmim. sammāājīvam bhāveti vivekanissitam virāganissitam nirodhanissitam vossaggaparināmim. sammāvāvāmam bhāveti vivekanissitam virāganissitam nirodhanissitam vossaggaparināmim. sammāsatim bhāveti vivekanissitam virāganissitam nirodhanissitam vossaggaparināmim. sammāsamādhim bhāveti vivekanissitam virāganissitam nirodhanissitam vossaggaparināmim, evam kho ānanda bhikkhu kalyānamitto kalyānasahāyo kalyānasampavańko ariyam atthangikam maggam bhāveti, ariyam atthangikam maggam bahulikaroti.

 $<sup>^1</sup>$ bhāveyya - sīmu.

pts page 088

<sup>&</sup>lt;sup>2</sup>antaritapātho na dissate - pts. potthake.

- 5. tadamināpetam ānanda pariyāyena veditabbam: yathā sakalamevidam brahmacariyam yadidam kalyānamittatā kalyānasahāyatā kalyānasampavankatāti.
- 6. mamam hi ānanda kalyāṇamittam āgamma jātidhammā sattā jātiyā parimuccanti. jarādhammā sattā jarāya parimuccanti. vyādhidhammā sattā vyādhinā³ parimuccanti. maraṇadhammā sattā maraṇena parimuccanti. sokaparidevadukkhadomanassupāyāsadhammā sattā sokaparidevadukkhadomanassupāyāsehi parimuccanti. iminā kho etam ānanda pariyāyena veditabbam: yathā sakalamevahidam brahmacariyam yadidam kalyāṇamittatā kalyāṇasahāyatā kalyāṇasampavaṅkatāti.
- 7. tasmātiha te mahārāja evam sikkhitabbam: kalyānamitto bhavissāmi kalyānasahāyo kalyānasampavanko'ti. evam hi te mahārāja sikkhitabbam. kalyānamittassa te mahārāja kalyānasahāyassa kalyānasampavankassa ayam eko dhammo upanissāya vihātabbo appamādo kusalesu dhammesu.
- 8. appamattassa te mahārāja viharato appamādam upanissāya itthāgārassa<sup>4</sup> evam bhavissati: rājā kho appamatto viharati appamādam upanissāya. handa mayampi appamattā viharāma appamādam upanissāvāti.

<sup>&</sup>lt;sup>3</sup>vyādhito - machasam, syā. vyādhiyā pts.

pts page 089

bjt page 164

<sup>&</sup>lt;sup>4</sup>itthāgārassa anuyantassa - machasam, anuyāyantassa - syā.

- 9. appamattassa te mahārāja viharato appamādam upanissāya khattiyānampi anuyuttānam<sup>5</sup> evam bhavissati: rājā kho appamatto viharati appamādam upanissāya. handa mayampi appamattā viharāma appamādam upanissāyāti.
- 10. appamattassa te māhārāja viharato appamādam upanissāya balakāyassapi evam bhavissati: rājā kho appamatto viharati appamādam upanissāya. handa mayampi appamattā viharāma appamādam upanissāyāti.
- 11. appamattassa te māhārāja viharato appamādam upanissāya negamajānapadassāpi<sup>6</sup> evam bhavissati: rājā kho appamatto viharati appamādam upanissāya. handa mayampi appamattā viharāma appamādam upanissāyāti.
- 12. appamattassa te māhārāja viharato appamādam upanissāya attāpi gutto rakkhito bhavissati, itthāgārampi guttam rakkhitam bhavissati, kosakoṭṭhāgārampi guttam rakkhitam bhavissatīti.

bhoge patthayamānena uļāre aparāpare, appamādam pasamsanti puñňakiriyāsu paņditā.

 $<sup>^{5}</sup>$ anuyuttānam - syā, machasam.

<sup>&</sup>lt;sup>6</sup>jānapadassapi - machasam, pts.

appamatto ubho atthe adhigaṇhāti paṇḍito, diṭṭhe<sup>7</sup> dhamme ca yo attho yo cattho samparāyiko, atthābhisamayā dhīro paṇḍitoti pavuccatīti.

<sup>&</sup>lt;sup>7</sup>diṭṭheva dhamme - sīmu.